

雷波廳志卷之四

鄉市志

自昔啓疆人民繁富市廛如雲阡陌錯繡曾幾何時  
喪亂日滋四郊多壘彼黍離離陽九運極極則思泰  
樂只君子庶乎保艾通商惠工務財訓農還定安集  
民物滋豐志鄉市第四

牛吃水鄉 在城東三十五里廛市殷繁號爲富庶  
歷年夷匪出擾皆先至此鄉鄉民流亡甚眾而其場  
市亦屢爲夷所窺伺思患者不可不預防也

雷波廳志

卷之四

鄉市

一

箐口鄉 在城東六十里同治中被夷焚燬場市蕭  
條

海腦壩鄉 在城東九十里夙稱富庶好尙詩書遭  
夷患後亦復敗落

祛裡密鄉 在城南五十里田土饒沃明時安興所  
居後興叛亂將軍李應祥統兵討之擒其家屬於此  
天姑密鄉 在城南七十里地高而平衍田疇聯接  
戶口繁多安土舍自雍正年間歸誠世居於此  
鳳凰鄉 在城西十五里烏角汛設防於此向無場

市汛地外爲胡姓支夷住牧接連黑角汛可通涼山昔年西南鄉多盜常夜出竊牛馬天明不及避則散逸於烏角道中又時或殺人於途或入人家傷其事主巨案疊出人皆疑夷眾所爲迄不能獲光緒十二年有夷盜數人潛至西門外入馬兵王朝樑家欲行劫掠朝樑兄弟與之鬪已爲所傷天將曙盜起而逃倉卒獲其一署參將蔣繼榮命以亂棒箠殺之自是盜黨稍斂不敢橫行近年尤安靜無事然門戶之前肘腋相迫保桑土者不可不綢繆於未雨時也

雷波廳志

卷之四

鄉市

二

迴龍鄉 在西南二十里僻處江邊田疇稀少居民勤勞積苦僅足衣食而已那比汛設防於此無場市李子坪鄉 在分水嶺下因山爲田取材構屋承平時青疇綠野滿地桑麻今則鞠爲茂草已

青山鄉 接連李子坪山多田少鄉民築堡而居以禦外患然春耕秋穫時爲夷擾近已一片荒涼矣那古鄉 在黃螂十里雍正時夷民數百戶首先投誠與漢民雜處安阜營撥兵設汛以鎮之

穀米鄉 接連那古鄉田土肥茂煙戶稠密後因夷

亂逐漸蕭條

大漢鄉 在黃螂二十里場市整齊商賈流通後經夷眾兩次焚燬人民流徙僅存草屋數間安阜營分汛於此亦被焚燒

仁義鄉 接連大漢鄉因遭夷亂鄉民逃亡淨盡靡有子遺

雙河口鄉 在黃螂七十里與鄧溪鄉相近戶千餘家今已荒沒無居人爲夷匪擾黃捷徑

鄧溪鄉 在黃螂七十里與屏山縣交界夷匪出入

雷波廳志

卷之四

鄉市

三

蹂躪奸宄潛蹤僅存居民數十戶

廣餘鄉 在城北九十里卽濫壩子三稜岡西蘇角長河塢等地雖在高山頗饒物產今則半淪於夷無人居住

東林鄉 在城東北一百二十里交屏山馬邊界田土腴美物產饒沃承平時居民數千家夾西甯河兩岸而居分設中山坪羅三溪兩場商賈雲集採辦銅鐵廠及茶絲筍木各物最爲富庶同治六年夷匪大亂道途梗塞商賈不通鄉民流亡殆盡辛卯六月秦

主歷任乃設法招徠親至其地開設中山坪場市曉諭流民墾播荒業貸以糧種並疏通九龍岡道路撥雷威軍勇丁駐防分水嶺以衛行旅流民聞風景附逐漸來歸復業者現集七八百戶

**狎子村鄉** 在城西一百二十里山路險窄峭壁懸崖輿馬不能過鄉民來往皆渡江由雲南之大霧基黃葛樹等處繞道而行約二日程乃到其地逼近夷巢與西昌夷地交界下二十里爲小霧基係昔年龍頭山鉛廠運道乾嘉中鉛廠茂盛商賈流通道光末

年徐馬二姓夷積年滋事廠務旣歇民亦流亡壬辰秋九月秦主親履其地相度經營招集流民開墾荒土撥雷威軍勇丁駐防以定民志又以舊場僻處江邊地勢卑下四面受敵有事不能自保就乃擇冒龍田高廠之地改建新場復修渡船一隻以渡川滇兩岸行人至今流民絡繹歸附每逢場期漢夷趕集者七八百人頗有復興之象惟徐馬二支夷良莠不齊間有零匪爲患當事者常勞駕馭云